

Diekavuojem "Žemaitiu žemės" riemiejems

Pradijuom leistė žornala dėdėiee sunkees Lietovuos kultūras laikaas. Kningu, žornalu leidyba vėsomet brongee kaštava. Kou berokoutė aplė šius laikus! Dabaa jau vėn spaustovee ož darba reek somuokletė tėlė, kėik nesorenkam iš vėsa "Žemaitiu žemės" tiraža. Teep ka be paramuos iš šuona nikaap neišsėverstomem.

Dėdėiausė mūsa pagelbininkė — LIETOVUOS KULTŪRAS MINISTE-RĖJĖ. Ministerėjės sekretuorios BALČIŪNS VYTAUTS, nuognee soprasdamis Žemaitiu kultūras draugėjės veikluos tėkslus ėr pradietu darba reikšmė vė-saa mūsa krašta kultūras, jau kelė metaa rūpėnas, ka ta veikla būtom pletama. Palaika ons ėr žemaitėška žornala leidyba.

Pariemė žemaitėška spauda ėr Vėlniuo isėkūrusi komercinė firma "EI-KA".

Dėdėlė muoralėnė parama nu pat žemaitėškas spauduos leidybas pradiuos redakcėjė jau iš ožsienie gyvenontiu žemaitiu. Diekavuojem ož laikus, rusė-nius puoetou BAGDUONOU APUOLINAROU, ož dėdėli diemesi — MONST-VĒLAA LIUDOU iš Kanadas, Amerėkuo gyvenontem puoetou, konėgou VALIUSKAA ONTUONOU, dailininke JANG JUONEE iš Kanadas, BAKAL-TEMS GENUTEE ėr VINCOU iš Australėjės, vėsėms kėtėms, katrėi paded gaivintė žemaitėška žuodl užjūriūs.

Redakcėjė diekavuo Kanaduo gyvenontem dėdėlem mūsa krašta kultūras mylietuojou MICEIKAA VINCĒNTOU. Paskotėnees metaas p. V. MICEIKAA redakcėjėe atsiantė daug vertingu lietovėšku kningu, katruos yr išleistas ož-sienie. Dėdėlė dali anū redakcėjė jau perdavė i Žemaitiu kultūras draugėjės bėbliuoteka, katra yr pradietu kaupť Žemaitiu "Alkas" moziejaus patalpuos, kėtas laikėnaa perdoutas sauguotė Palonguos miesta bėbliuotekaa. Teep ka dabaa so tuom paduovanuotuum kninguom gal sosėpažintė dėdėlis Lietovuo gyvenontiu skaitytuoju būrys. Vėsū anū vardo diekou p. V. MICEIKAA!

Laikaa šėndėin daug kam sunkė. Bet ne vėsė cėntus skaičiuo. Tėms, katrėi gal ėr nuor parėmtė žemaitėškas spauduos leidyba, primėnam, ka Žemaitiu kultūras draugėjės "A mon sakaa?" redakcėjės, katra leid "Žemaitiu žemės" žornala, atsėskaituomuoje saaskaita Lietovuos kuomercinė banka Palonguos skyriu yr Nr. 700349. Banka kuods: 00580.

REDAKCĖJĖ

KUONKURSOS

Žemaitiu kultūras draugėjė skelb Žemaitėjės gimna žuodiu ėr meluodėjės kuonkursu. Kvėitam dalyvautė vėsus kūrybingus žemaitius ėr anū prietelius! Kūrėniū lig 1996 metu lėipas I dėinuos iaukam Žemaitiu kultūras draugėjės prezidiumė (Telšee, Moziejaus — 31, Žemaitiu kultūras draugėjėe). Geriausė darbaa būs spausdėnamė "Žemaitiu žemės" žornalė. Nogalietuoojėe (pėrmuos vėitas laimietuoojėe) hūs apduovanuotė Žemaitiu kultūras draugėjės prizaas.

Rėmkėt žemaitėška spauda

Žemaitiu kultūras draugėjės "A mon sakaa?" redakcėjė ikūrė Žemaitėškas spauduos fonda. Sokauptė piningaa būs skėramė redakcėjėuo spaudaa parengtū kningu, žornalu leidybaa.

Fonda saaskaita Lietovos komercinė banka Palonguos skyriu — Nr. 700349 (nuruodytė, ka piningaa skėrtė Žemaitėškas spauduos fondou. Banka kuods 00580.

Rėmkėt žemaitėška spauda!

Redakcėjė

"ŽEMAITIU ŽEMĖ"

Tamsia vėsomet lanėys, jee tik anou užsėprenumerausėt.

Kaina ketvirtiuo — 3 litaa 27 cėntaa (so pristatymo i namus).

Ožsienie gyvenontėms žemaitėms žornala siuntinie redakcėjė. I numerė kaina kartu so pašto spauduom — 2 JAV duolere. Prenumerata prijemama adreso: "Žemaitiu žemės" redakcėjė,

Druškininku 20-102, Palonga, 5720, Lietova, Tel.: 57298.

Redakcėjė prijem ožsakymus ėr "Žemaitiu žemės" žornala komplektams, atskerėms lig žiuol išleisťems numerėms. Žornala išsiuntam pašto so išperkamuoju muokėniu.

Žornals teep pat platėnams Žemaitiu kultūras draugėjės skyriūs, bėndrėjuos. Inpuarmacėjė vėsaaas platėnama klausėmaas teikama telepuono Palonguo: 57298 (8-236).

"Žemaitiu žemė" vėsėms tėkrėms žemaitėms ėr anū prietelems!

PRENUMEROUKĖT ĖR SKAITYKĖT "ŽEMAITIU ŽEMĖ"!